

**ZAPISNIK O RADU 15. SJEDNICE
GRADSKOG VIJEĆA GRADA SARAJEVA
ODRŽANE 25.04.2018. GODINE U VIJEĆNICI**

Broj: 01-GV-02-521/18

Datum: 25.04.2018. godine

Sjednica je počela s radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.**

Prisutni su bili sljedeći gradski vijećnici:

- | | |
|-------------------------|----------------------------|
| 1. Mr. Hazim Bahtanović | 15. Prof.dr. Velija Katica |
| 2. Bajro Biber | 16. Miro Lazović |
| 3. Mr. Vedad Deljković | 17. Almedin Miladin |
| 4. Vedran Dodik | 18. Snežana Omukić |
| 5. Mr. Tea Mušić | 19. Mr. Srđan Simonović |
| 6. Samir Fazlić | 20. Srđan Srđić |
| 7. Sanela Holjan | 21. Mr. Sead Srna |
| 8. Edina Gabela | 22. Barbara Peleš Stroil |
| 9. Dr. Igor Gavrić | 23. Adnan Talić |
| 10. Nuko Grebović | 24. Nihad Uk |
| 11. Adnan Gušo | 25. Lana Velić |
| 12. Reuf Hafizović | 26. Toni Vukadin |
| 13. Mr. Vibor Handžić | 27. Mr. Miroslav Živanović |
| 14. Mira Jurić | |

Odsutni: Dado Stojnić (najavljen izostanak)

Pored gradskih vijećnika, sjednici su prisustvovali:

1. Mr. Abdulah Skaka, Gradonačelnik,
2. Milan Trivić, zamjenik Gradonačelnika,
3. Safet Krajišnik, sekretar Gradskog vijeća,
4. Sanjin Smajlović, pravobranilac Grada Sarajeva,
5. Maja Hadžihalilović, rukovodilac Stručne službe Gradonačelnika
6. Elvir Hadžiahmetović, pomoćnik Gradonačelnika za evropske integracije i EU fondove
7. Amela Kolovrat, pomoćnik Gradonačelnika za finansije,
8. Amina Deljković, pomoćnik Gradonačelnika za obrazovanje, kulturu, sport i mlade,
9. Dragana Solaković, pomoćnik Gradonačelnika za lokalnu samoupravu i razvoj grada,
10. Nedim Tvrtković, pomoćnik Gradonačelnika za urbano planiranje, investicije, stambene i komunalne poslove
11. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)
12. Enes Peštek, direktor JP „Olimpijski bazen Otoka“, d.o.o. Sarajevo

13. Esad Tanović, direktor JP „Sarajevo“, d.o.o. Sarajevo
14. Senahid Godinjak, direktor EYOF 2019. d.o.o. Istočno Sarajevo
15. Ena Lazović, kandidatkinja za predsjednicu Skupštine JP „Sarajevo“, d.o.o Sarajevo

Predsjedavajući Gradskog vijeća Igor Gavrić je pozdravio prisutne gradske vijećnike i goste, te otvorio 15. sjednicu Gradskog vijeća Grada Sarajeva, konstatacijom da sjednici prisustvuje 26 gradskih vijećnika, da je kašnjenje najavio gradski vijećnik Srđan Simonović.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva** je **većinom glasova**, izjasnivši se sa 18 glasova “za”, bez glasova “protiv” i uz jedan “suzdržan” glas prisutnih gradskih vijećnika (osam gradskih vijećnika se nije izjasnilo), usvojilo Zapisnik o radu 14. sjednice Gradskog vijeća Grada Sarajeva održane 28.03.2018. godine.

Predsjedavajući Gradskog vijeća Igor Gavrić je najavio razmatranje dnevnog reda sjednice. Podsjetio je da su, u skladu sa Poslovníkom Gradskog vijeća Grada Sarajeva, predloženi za razmatranje po skraćenom postupku sljedeći akti:

- Odluka o davanju ovlaštenja za vršenje dužnosti predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo, na period od tri mjeseca,
- Odluka o izmjeni Odluke o imenovanju i davanju ovlaštenja za vršenje funkcije predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ d.o.o.,
- Odluka o izmjenama i dopunama Odluke o pristupanju izradi Regulacionog plana „Soukbunar“ i
- Odluka o davanju saglasnosti na Izmjenu i dopunu br. 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), usvojilo je prijedlog da se Odluka o davanju ovlaštenja za vršenje dužnosti predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo, na period od tri mjeseca, uvrsti u prijedlog dnevnog reda 15. sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (tri gradska vijećnika se nisu izjasnila), usvojilo je prijedlog da se Odluka o izmjeni Odluke o imenovanju i davanju ovlaštenja za vršenje funkcije predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ d.o.o., uvrsti u prijedlog dnevnog reda 15. sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave **jednoglasno**, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o izmjenama i dopunama Odluke o pristupanju izradi Regulacionog plana „Soukbunar“, uvrsti u prijedlog dnevnog reda 15. sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je prijedlog da se Odluka o davanju saglasnosti na Izmjenu i dopunu br. 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo, uvrsti u prijedlog dnevnog reda 15. sjednice Gradskog vijeća.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, **većinom glasova**, izjasnivši se sa 23 glasa “za”, bez glasova “protiv” i bez “suzdržanih” glasova prisutnih gradskih vijećnika (tri gradska vijećnika se nisu izjasnili), usvojilo je dnevni red 15. sjednice Gradskog vijeća:

1. **Prijedlog Odluke o davanju ovlaštenja za vršenje dužnosti predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo, na period od tri mjeseca**
2. **Prijedlog Odluke o izmjeni Odluke o imenovanju i davanju ovlaštenja za vršenje funkcije predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ društvo sa ograničenom odgovornošću (JP „Sarajevo“ d.o.o.)**
3. **Prijedlog Odluke o pristupanju izradi Izmjena i dopuna Regulacionog plana „Kvadrant C1-Marijin Dvor“**
4. **Prijedlog Odluke o izmjenama i dopunama Odluke o pristupanju izradi Regulacionog plana „Soukbunar“**
5. **Prijedlog Odluke o davanju saglasnosti na Izmjenu i dopunu br. 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo**
6. **Izvještaj o kulturnim manifestacijama od posebnog interesa za Grad Sarajevo u 2017. godini**
7. **Izvještaj o aktivnostima na projektu „Izgradnja Trebevičke žičare“**
8. **Izvještaj o preduzetim aktivnostima i toku priprema za održavanje EYOF 2019. za period januar – mart 2018. godine**
9. **Vijećnička pitanja i inicijative**

Ad 1)

Prijedlog Odluke o davanju ovlaštenja za vršenje dužnosti predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo, na period od tri mjeseca

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrala Komisija za izbor i imenovanja, Odbor za društvene djelatnosti, Odbor za javne službe, infrastrukturu i javni saobraćaj, te Komisija za Statut i akte.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, **jednoglasno**, bez rasprave, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je, Odluku o davanju ovlaštenja za vršenje dužnosti predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo, na period od tri mjeseca kako je predložena.

Ad 2)

Prijedlog Odluke o izmjeni Odluke o imenovanju i davanju ovlaštenja za vršenje funkcije predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ društvo sa ograničenom odgovornošću (JP „Sarajevo“ d.o.o.)

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrala Komisija za izbor i imenovanja, Odbor za društvene djelatnosti, Odbor za javne službe, infrastrukturu i javni saobraćaj, te Komisija za Statut i akte.

U raspravi su svoja mišljenja, odnosno pitanja uputili **gradski vijećnik Samir Fazlić**, **gradski vijećnik Toni Vukadin**, **gradska vijećnica Tea Mušić**, te je kandidatkinja za predsjednicu Skupštine JP „Sarajevo“ d.o.o. dala odgovore na postavljena pitanja, a dodatna obrazloženja prijedloga je dao **Gradonačelnik Abdulah Skaka**. Raspravu su nastavili **zamjenica Predsjedavajućeg Gradskog vijeća Edina Gabela** i **gradski vijećnik Miro Lazović**.

Poslije pauze koju je **Predsjedavajući Gradskog vijeća Igor Gavrić** najavio na zahtjev Kluba gradskih vijećnika **Srdić-Stojnić**, sjednica je nastavila s radom upoznavanjem **gradskog vijećnika Srđana Srdića** sa razlozima, odnosno rezultatima postignutim tokom pauze.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, **većinom glasova**, izjasnivši se sa (17) glasova “za”, četiri glasa “protiv” i uz pet “suzdržanih” glasova prisutnih gradskih vijećnika, usvojilo je, **Odluku o izmjeni Odluke o imenovanju i davanju ovlaštenja za vršenje funkcije predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ društvo sa ograničenom odgovornošću (JP „Sarajevo“ d.o.o.)** kako je predložena.

Ad 3)

Prijedlog Odluke o pristupanju izradi Izmjena i dopuna Regulacionog plana „Kvadrant C1-Marijin Dvor“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za urbanizam i upotrebu lokalnog zemljišta i Komisija za Statut i akte, te da su izvješaji sa radnih tijela dostupni.

U raspravi je stav Kluba gradskih vijećnika **Naše stranke** iznio **gradski vijećnik Vibor Handžić**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, **većinom glasova**, izjasnivši se sa 24 glasa “za”, jednim glasom “protiv” i jednim “suzdržanim” glasova prisutnih gradskih vijećnika (jedan gradski vijećnik se nije izjasnio), usvojilo je **Odluku o pristupanju izradi Izmjena i dopuna Regulacionog plana „Kvadrant C1-Marijin Dvor“** kako je predložena.

Ad 4)

Prijedlog Odluke o izmjenama i dopunama Odluke o pristupanju izradi Regulacionog plana „Soukbunar“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za urbanizam i upotrebu lokalnog zemljišta i Komisija za Statut i akte, te da su izvješaji sa radnih tijela dostupni.

U raspravi je svoje mišljenje iznio **gradski vijećnik Vibor Handžić**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, većinom glasova, izjasnivši se sa 16 glasova “za”, sedam glasova “protiv” i uz dva “suzdržana” glasa prisutnih gradskih vijećnika (jedan gradski vijećnik se nije izjasnio), usvojilo je Odluku o izmjenama i dopunama Odluke o pristupanju izradi Regulacionog plana „Soukbunar“.

Ad 5)

Prijedlog Odluke o davanju saglasnosti na Izmjenu i dopunu br. 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za društvene djelatnosti i Komisija za Statut i akte, te da su izvješaji sa radnih tijela dostupni.

Uvodno izlaganje je podnio **pomoćnik Gradonačelnika za evropske integracije i EU fondove Elvir Hadžiahmetović**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, **jednoglasno**, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je Odluku o davanju saglasnosti na Izmjenu i dopunu br. 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo kako je predložena.

Ad 6)

Izvještaj o kulturnim manifestacijama od posebnog interesa za Grad Sarajevo u 2017. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrao Odbor za društvene djelatnosti koji je uputio određene sugestije Gradonačelniku vezano za planiranje sredstava za finansiranje kulturnih manifestacija, te da je predložio Gradskom vijeću i donošenje konkretnog zaključka. Podsjetio je i da je materijal razmatrala Komisija za Statut i akte, te da su izvješaji radnih tijela dostupni.

U raspravi je svoje mišljenje iznio **gradski vijećnik Vibor Handžić**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, **jednoglasno**, izjasnivši se sa 24 glasa “za”, bez glasova “protiv” i bez “suzdržanih” glasova prisutnih gradskih vijećnika (dva gradska vijećnika se nisu izjasnila), usvojilo je sljedeći zaključak:

Zadužuje se Gradonačelnik da svojom odlukom formira tijelo koje će razmotriti važeći gradski propis o manifestacijama iz oblasti kulture od interesa za Grad Sarajevo i predložiti rješenja za izradu novog propisa, a koje će činiti predstavnici nadležne službe Gradske uprave, predstavnici Savjeta za kulturu Gradonačelnika i Odbora za društvene djelatnosti Gradskog vijeća Grada Sarajeva.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 25 glasova “za”, bez glasova “protiv” i bez “suzdržanih” glasova prisutnih gradskih vijećnika (jedan gradski vijećnik se nije izjasnio), usvojilo je Izvještaj o kulturnim manifestacijama od posebnog interesa za Grad Sarajevo u 2017. godini kako je podnesen.

Ad 7)

Izvještaj o aktivnostima na projektu „Izgradnja Trebevičke žičare“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za društvene djelatnosti, Odbor za javne službe, infrastrukturu i javni saobraćaj, te Komisija za Statut i akte, a da su izvještaji radnih tijela dostupni.

Uvodno izlaganje je podnio pomoćnik Gradonačelnika za urbano planiranje, investicijske, stambene i komunalne poslove Nedim Tvrtković.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 26 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo je Izvještaj o aktivnostima na projektu „Izgradnja Trebevičke žičare“ kako je podnesen.

Ad 8)

Izvještaj o preduzetim aktivnostima i toku priprema za održavanje EYOF 2019. za period januar – mart 2018. godine

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrala Komisija za Statut i akte i Odbor za društvene djelatnosti, koji je predložio da se organizaciji manifestacije, na odgovarajući način, pridruže i predstavnici ministarstava u Vladi Kantona Sarajeva, te komunalnih i drugih preduzeća i ustanova koje su direktno uključene u organizaciju, odnosno koje na odgovarajući način mogu podržati organizaciju manifestacije.

Poslije pauze koju je **Predsjedavajući Gradskog vijeća Igor Gavrić** najavio na zahtjev Kluba gradskih vijećnika SDA, sjednica je nastavila s radom raspravom u kojoj je **gradski vijećnik Toni Vukadin** uputio određena pitanja. Odgovore na postavljena pitanja i dodatna obrazloženja dao je **direktor EYOF 2019, d.o.o. Senahid Godinjak**, a zatim i na pitanja koja su uputili **gradski vijećnik Sead Srna i gradski vijećnik Vibor Handžić**. **Gradski vijećnik Miroslav Živanović** je u svojoj raspravi, iznio prijedlog za zaključivanje, a **Gradonačelnik Abdulah Skaka** je uputio upravi EYOF, d.o.o. određene prijedloge i sugestije vezane za organizaciju manifestacije, a koje je u prijedlog zaključka za Gradsko vijeće pretočio **gradski vijećnik Toni Vukadin**, a o čemu se očitovao **direktor EYOF 2019, d.o.o. Senahid Godinjak**.

U raspravi o iznesenim prijedlozima za zaključivanje očitovao se **Gradonačelnik Abdulah Skaka**, a sudjelovali su **Predsjedavajući Gradskog vijeća Igor Gavrić, gradski vijećnik Samir Fazlić, gradski vijećnik Velija Katica i gradski vijećnik Miroslav Živanović**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 20 glasova “za”, bez glasova “protiv” i uz tri “suzdržana” glasa prisutnih gradskih vijećnika (četiri gradska vijećnika se nisu izjasnila), usvojilo je zaključak (formiran prema iznesenim prijedlozima iz tonskog zapisa sjednice) kako slijedi:

1. Gradsko vijeće Grada Sarajeva iskazuje zahvalnost svim institucijama u Bosni Hercegovini koje su se, planiranjem budžetskih sredstava za ovu namjenu, opredijelile za sufinansiranje manifestacije EYOF 2019 kojoj će, početkom 2019. godine, biti domaćini Grad Sarajevo i Grad Istočno Sarajevo.
Gradsko vijeće Grada Sarajeva, istovremeno, podsjeća ove institucije na to da je preostalo svega malo više od pola godine do održavanja manifestacije, te da je potrebno, što je prije moguće, planirana budžetska sredstva prenijeti na račun EYOF, d.o.o, kako bi na vrijeme bila dostupna za okončanje priprema na organizaciji manifestacije, odnosno za realizaciju projekta u cjelini.
2. Zadužuje se Gradonačelnik da, u suradnji s gradonačelnikom Grada Istočno Sarajevo još jednom razmotri potrebu upućivanja pisma kojim bi se dostavio ovaj zaključak Gradskog vijeća Grada Sarajeva, a imajući u vidu tok realizacije budžetskih sredstava opredjeljenih manifestaciji EYOF 2019. svake institucije posebno, uz podsjećanje Gradonačelnika na međunarodni značaj i masovnost manifestacije, te približavanje datuma održavanja manifestacije i prihvaćene finansijske obaveze institucije kojoj se pismo upućuje.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 21 glasom “za”, bez glasova “protiv” i uz dva “suzdržana” glasa prisutnih gradskih vijećnika (tri gradska vijećnika se nisu izjasnila), usvojilo je zaključak (formiran prema iznesenim prijedlozima iz tonskog zapisa sjednice) kako slijedi:

Gradsko vijeće Grada Sarajeva upućuje sugestiju Organizacionom odboru EYOF 2019 da razmotri mogućnost izmjene Master plana manifestacije tako da se otvaranje manifestacije održi na Olimpijskom stadionu Koševo “Asim Ferhatović Hase”, umjesto u Olimpijskoj dvorani ZETRA kako je to utvrđeno.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova “za”, bez glasova “protiv” i uz dva “suzdržana” glasa prisutnih gradskih vijećnika (tri gradska vijećnika se nisu izjasnila), usvojilo je Izvještaj o preduzetim aktivnostima i toku priprema za održavanje EYOF 2019. za period januar – mart 2018. godine.

Ad 9)

Vijećnička pitanja i inicijative

Predsjedavajući Gradskog vijeća Grada Sarajeva Igor Gavrić je najavio razmatranje vijećničkih pitanja i inicijativa i to, najprije, onih upućenih u pisanoj formi.

1. Odbor za društvene djelatnosti je uputio **inicijativu** kojom je predložio Gradskom vijeću donošenje sljedećeg **zaključka**:

Zadužuje se Gradonačelnik da razmotri mogućnost da se, po zahtjevu FK „Željezničar“, sredstva planirana za izgradnju južne tribine na stadionu „Grbavica“ u Budžetu Grada Sarajeva za 2018. godinu, prenamjene za izgradnju terena na stadionu „Grbavica“, te da predloži Gradskom vijeću rješenje za realizaciju ove inicijative.

U raspravi je pitanje postavio **gradski vijećnik Adnan Gušo**, odgovor, odnosno očitovanje o podnesenom prijedlogu dao je **Gradonačelnik Grada Sarajeva Abdulah Skaka**, a raspravu je nastavio **Predsjedavajući Gradskog vijeća Igor Gavrić**.

O zaključku predloženom u podnesenoj inicijativi se Gradsko vijeće nije izjašnjavalo, već je **Predsjedavajući Gradskog vijeća Igor Gavrić** konstatirao da se inicijativa upućuje Gradonačelniku na dalje postupanje.

2. Gradski vijećnik Nihad Uk je uputio **inicijativu** kako slijedi.

“Podnosim inicijativu da se u prostorijama Vijećnice uspostavi čitaonica i funkcionalna biblioteka. Sarajevska Vijećnica je svima poznata kao Nacionalna i gradska biblioteka. Nažalost, kao takva danas živi samo u pričama. Otkad je obnovljena, koristi se u sve osim u ove svrhe, što smatram velikim gubitkom, s obzirom na to da grad Sarajevo nema gradsku čitaonicu, da fakulteti nemaju adekvatne prostore koji bi se mogli koristiti u ove svrhe. Shodno tome, studenti i studentice primorani su koristiti i tražiti alternativna rješenja koja, uglavnom, budu tržni centri i kafići. Kao što je bilo i za očekivati, oni su vremenom postali nepoželjni u tim objektima. Studentima i studenticama treba funkcionalno i sistemsko rješenje za problem nepostojanja gradske čitaonice. Ne smijemo zaboraviti činjenicu da je i znatan broj mladih osoba koje dolaze u Sarajevo da završe svoje studije, vjerujući da će im se ponuditi bolje obrazovanje i mogućnosti nego u svojim gradovima. Vjerujem da je učenje u kafićima definitivno ispod njihovih očekivanja. Smatramo da bi gradska Vijećnica morala otvoriti svoja vrata studentima i studenticama, ali i svim građanima i građankama, kao što je to nekada bio slučaj.“

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, izjasnivši se sa 13 glasova “za”, bez glasova “protiv” i uz tri “suzdržana” glasa prisutnih gradskih vijećnika (osam gradskih vijećnika se nije izjasnilo), nije podržalo podnesenu inicijativu.

3. Gradska vijećnica Barbara Peleš Stroil je uputila **vijećničko pitanje** kako slijedi:

„Koliko je realizovanih vijećničkih inicijativa iz 2017. godine?“

Predsjedavajući Gradskog vijeća Igor Gavrić je konstatirao da se vijećničko pitanje upućuje Gradskoj službi za Gradsko vijeće na dalje postupanje.

4. Gradska vijećnica Barbara Peleš Stroil je uputila **vijećničko pitanje** kako slijedi:

„Koliko je trenutno zaposlenih u objektu Vijećnica, njihova imena i opis posla koji obavljaju?“

Predsjedavajući Gradskog vijeća Igor Gavrić je konstatirao da se vijećničko pitanje upućuje upravi JP „Sarajevo“ d.o.o. na dalje postupanje.

5. Gradski vijećnik Vedran Dodik je ponovio **inicijativu** upućenu 28.02.2018. godine u diskusiji sljedećeg sadržaja.

Inicijativa se odnosila na neprimjereno postupanje KJKP „Pokop“ d.o.o. Sarajevo koje je po nadgrobnim spomenicima na javnim gradskim grobljima postavilo naljepnice u kojima se pozivaju potomci da se jave s ciljem izvršavanja obaveza za održavanje grobnih mjesta, uz napomenu da će u slučaju neodazivanja slijediti izmještanje ostataka umrlih u zajedničku grobnicu, pozivajući se na gradski propis iz 1989. godine. Ova činjenica stvara zabunu među građanima budući da je nadležnost za provođenje ovog propisa preuzeo Kanton Sarajevo. U inicijativi su naglašene i moguće posljedice poruke koja se iz glavnog grada šalje stanovnicima drugih gradova, a posebno dijaspori. Budući da, Gradsko vijeće nije upoznato s tokom realizacije ove inicijative potrebno je, što je moguće prije, o tome informirati Gradsko vijeće.

Predsjedavajućeg Gradskog vijeća Igor Gavrić je konstatirao da će se inicijativa proslijediti na dalje postupanje u smislu ponovljene inicijative.

6. Gradski vijećnik Vedran Dodik je uputio **inicijativu** sljedećeg sadržaja.

Potrebno je podržati ranije iznesen prijedlog za osmišljavanje i što raniji početak izvođenja odgovarajuće promotivne kampanje u javnosti, u najavi održavanja EYOF 2019, posebno putem subjekata kojima upravlja Grad Sarajevo, a čije usluge koriste građani, kao što je bazen na Otoci i Sarajevska žičara (moguće i uz korištenje mobilnih kapaciteta javnog prevoza u Kantonu Sarajevo kao nosača promotivnih poruka).

Inicijativa se upućuje Gradonačelniku na dalje postupanje u saradnji sa drugim subjektima EYOF-a 2019.

7. Gradski vijećnik Samir Fazlić je uputio **vijećničko pitanje** u diskusiji sljedećeg sadržaja.

Potrebno je da Pravobranilac Grada Sarajeva dopuni odgovor na ranije upućeno vijećničko pitanje vezano za sporove koje određeni broj ljudi vodi protiv Grada Sarajeva a vezano za provođenje konkursa za državne službenike u Gradskoj upravi.

Potrebno je obrazložiti status zaključka Gradskog vijeća na koji se poziva Pravobranilac Grada Sarajeva u svom odgovoru u odnosu na odluke Suda koje su nastale kao rezultat ovih sporova. Također, potrebno je odgovoriti na pitanje s kolikim iznosom će biti oštećen Budžet Grada Sarajeva u slučaju gubitka spora.

Pravobranilac Grada Sarajeva Sanjin Smajilović se usmeno očitovao o upućenom pitanju.

8. Gradski vijećnik Samir Fazlić je uputio **inicijativu** u diskusiji sljedećeg sadržaja.

Potrebno je da Gradonačelnik, odnosno JP „Sarajevo“ d.o.o. informira Gradsko vijeće o planu aktivnosti uz navođenje potrebnih finansijskih sredstava za njegovu realizaciju, za tekuću godinu i ubuduće, na realizaciji izgradnje Trebevičke žičare, a imajući u vidu sugestije, prijedloge i inicijative koje su radna tijela Gradskog vijeća i gradski vijećnici uputili Gradonačelniku za realizaciju ovog projekta.

9. Gradski vijećnik Samir Fazlić je uputio **inicijativu** u diskusiji sljedećeg sadržaja.

Potrebno je da Gradonačelnik dostavi Gradskom vijeću informaciju za, sljedeću sjednicu, u kojoj fazi je osnivanje Javne ustanove „Muzej savremene umjetnosti ARS AEVI“, budući da je Gradsko vijeće donijelo odluku o osnivanju ove javne ustanove prije pet mjeseci.

10. Gradska vijećnica Barbara Peleš Stroil je uputila je **inicijativu** kako slijedi:

“U okviru tačke „Vijećnička pitanja i inicijative“ podnosim inicijativu da se prilaz javnom toaletu na Vilsonovom šetalištu prilagodi invalidnim licima.

Naime, postojeći prilaz javnom toaletu na Vilsonovom šetalištu nije adekvatan.“

Predsjedavajući Gradskog vijeća Igor Gavrić je konstatirao da se inicijativa upućuje Gradonačelniku na dalje postupanje.

11. Gradska vijećnica Barbara Peleš Stroil je uputila **inicijativu** u izlaganju sljedećeg sadržaja:

Potrebno je korištenje Trebevičke žičare prilagoditi tako da se i stvarno mogu prevoziti i kućni ljubimci na odgovarajući način. Moguće rješenje je da Grad Sarajevo, odnosno JP “Sarajevo” d.o.o. nabavi boksove za kućne ljubimce takve da se mogu smjestiti u kabine Trebevičke žičare, a koji će se, na polaznoj, odnosno dolaznoj stanici, ustupati na korištenje vlasnicima ljubimaca koji se prevoze žičarom.

Javnosti je prezentirano da je Trebevička žičara “pet friendly”, odnosno da se kućni ljubimci mogu prevoziti žičarom. Međutim, u praksi je prevoz ljubimaca žičarom teško izvodiv, budući da se u kabinu ne može ući sa kućnim ljubimcem, ukoliko putnik ne ponese svoj boks za kućnog ljubimca. Pored toga, za kućnog ljubimca se može kupiti karta samo u jednom pravcu. Nije moguće očekivati da izletnici nose boksove za kućne ljubimce, pogotovo kada su u pitanju veliki psi da bi se mogli prevesti žičarom. Također, trebalo bi omogućiti kupovinu povratne karte i za kućne ljubimce.

Gradski vijećnik Vibor Handžić je, u diskusiji o podnesenoj inicijativi, predložio da se razmotri mogućnost i da se označi određeni broj kabina koje su “pet friendly”, u koje kućni ljubimci mogu ulaziti nesmetano bez boksova, zajedno s drugim putnicima kojima to ne smeta.

Predsjedavajući Gradskog vijeća Igor Gavrić je konstatirao da se inicijativa upućuje upravi JP „Sarajevo“, d.o.o. na dalje postupanje.

12. Gradski vijećnik Vibor Handžić je uputio **inicijativu** u izlaganju sljedećeg sadržaja:

Potrebno je osigurati da svi subjekti u okviru organa Grada Sarajeva redovno postupaju, dostavljaju odgovore i tražene informacije iz vijećničkih pitanja, odnosno informiraju Gradsko vijeće o toku realizacije i realizaciji inicijativa, a u rokovima u skladu s Poslovníkom Gradskog vijeća.

13. Gradski vijećnik Vibor Handžić je uputio **inicijativu** u izlaganju sljedećeg sadržaja:

Traži se od Gradonačelnika da dostavi Gradskom vijeću pisanu informaciju o sudbini donirane polovne opreme za rekonstrukciju Trebevičke žičare koja je bila smještena u bazi EUFOR-a na Stupu, koja je odlukom Gradskog vijeća ranije bila donirana Općini Olovo, a zatim je ta donacija povučena novom odlukom Gradskog vijeća.

O inicijativi se, u ime Gradonačelnika, očitovala **rukovodilac Stručne službe Gradonačelnika Maja Hadžihalilović**.

Predsjedavajući Gradskog vijeća Igor Gavrić je konstatirao da se inicijativa upućuje Gradonačelniku na dalje postupanje.

14. Gradski vijećnik Nihad Uk je uputio **inicijativu** u izlaganju sljedećeg sadržaja:

Potrebno je da Gradonačelnik u suradnji sa JP "Sarajevo" d.o.o. koje je kadrovski kapacitirano da može upravljati i kosim liftom u naselju "Ciglane", ponovo razmotri ranije upućenu inicijativu da Grad Sarajevo, kroz određeni sporazum sa KJKP "GRAS" Sarajevo, preuzme upravljanje nad kosim liftom u naselju "Ciglane".

Građanima je svakodnevna funkcija ovog lifta nužna, a nadležni, do sada, nisu uspjeli odgovoriti zahtjevima, odnosno potrebama građana, te se očekuje da Grad Sarajevo riješi i ovaj problem na odgovarajući način.

O inicijativi se očitovao **Gradonačelnik Abdulah Skaka**.

Predsjedavajući Gradskog vijeća Igor Gavrić je zatim, upoznao gradske vijećnike i Gradonačelnika sa zaključkom Komisije za Statut i akte koja ne želi više razmatrati materijale za koje sjednici Komisije ne prisustvuju ovlašteni predlagači, odnosno ovlašteni predstavnik predlagača. Zatim je zaključio rad 15. sjednice Gradskog vijeća.

Zasjedanje završeno u 12 sati i 50 minuta.

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Službi Gradskog vijeća Grada Sarajeva.

*SEKRETAR GRADSKOG VIJEĆA
Safet Krajišnik, s.r.*

*PREDSJEDAVAJUĆI GRADSKOG VIJEĆA
Dr. Igor Gavrić, s.r.*